



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Evsebivs || De Euangelica pr[a]eparatione**

**Eusebius <Caesariensis>**

**[Augsburg], 1522**

**VD16 E 4299**

Quod non recte Plato de dæmonibus sensit. Cap. ix.

**urn:nbn:de:hbz:466:1-34477**

## 2022 DE PRAEPARATIONE EVANGELICA

Iatriæ delapsus populi Atheniensis opinionibus serebatur. Nec ue-  
ritas est Socratem in Pyram ad soluenda deæ uota descendenter  
laudare, Gallum etiam Aesculapio sacrificari probe iussum a Socra-  
te facti uidetur, & Delphicum dæmona paternum Græciæ inter-  
prætem appellat, & diuinis libenter laudibus prosequitur. Audi em-  
eum quod piter vulgarem de diis opinionem confirmat dices, Alio-  
rum autem dæmonum generationem cognoscere, ac dicere maius-  
quoddam opus est quā nos ferre possumus. Sed credendum est his,  
qui iamdiu dixerunt, qui deorū nepotes sunt, & ut aiunt, clare pro-  
genitores suos nouerunt. Non enim possibile est deorum filios in-  
credulos esse. Nam & si nullam necessariam aut uerisimilem affe-  
rant demonstrationem, tamē quia sua se narrare affirmant, leges pa-  
trias sequentes credamus, propter hęc & cetera huiusmodi, is philo-  
sophus nobis, quoniam secum ipse dissideret, relinquendus est. Nam  
qui poetas poetarumq; fabulas in librīs de legib; contemnit, quiq;  
mentitum illum ait, qui primum singere ausus fuit, ea cœlum fecisse,  
qua ab Hesiodo scribuntur, ceteraq; huius, quomodo nūc deos &  
deorū nepotes Saturnum, Iouem, Iunonem, & ceteros appellat.

Quod non recte Plato de Dæmonibus sensit.

## CAPVT IX.

**A**Dhæc cum medianam rationalium naturam non absq; ori-  
tis, sed genitam scriptura prædicet, ex qua per lapsum ge-  
nus dæmonum esse cōfirmet, atque ideo nullo modo an-  
gelorum, aut dæmonum aliquem deum appelleat, quoniā  
nec natura immutabiles sunt, nec a seipsis, sed a prima causa tam esse  
quam bene esse immortalitatemq; consequantur. Plato incorpore-  
as quidem has intellectuales substātias & rationales similiter afferit.  
Sed primum non recte non genitas tam ipsas quam omnem animā  
opinatur, deinde quasi natura defluxisse a prima causa, & ita consti-  
turas esse cōtendit. Non enim omnino a non ente simpliciter factas  
arbitratur. Quare plurimorū deorum genus quasi defluxus quosdā  
ac emanationes primæ causæ & secundæ, ut ipse dicit, nobis propo-  
nit, hos natura bonos esse, nec posse a proprio uirtute labi, ac pro-  
pterea deos esse affirmat. Genus autem dæmonum aliud quoddam  
facit, quod omnis nequitiae, ac in peiora mutationis capax esse dicit.

Hegel



A  
ue/  
em/  
cra/  
ter/  
em/  
io/  
ius/  
nis,  
ro/  
in/  
ffe/  
pa/  
nilo/  
lam/  
nig/  
sse,  
s &  
  
LIBER TERTIVS DECIMVS 303

Horum alios bonos, alios prauos & esse & appellari. Hæc a scriptu/  
raliudorum, id est a ueritate ipsa alienissima sunt. Sed unde sibi hoc  
genus dæmonum constitutum est? Nemo enim mentis composa  
corporali materia, quæ irrationalis est, rationalem naturam dæmo/  
num unquam constituet. Quod si etiam ipsi emanationes quædam  
superioris naturæ sunt, unde igitur nequitia in his posterioribus, q  
a primis emanarunt, nata est? quomodo autem amaritudo a dulce/  
dine processit? Nam si praui dæmones omnes tenebras & omnem  
amaritudinem malignitate superarunt, quomodo ex defluxu meli/  
oris naturæ ortū habuerunt? ex qua si emanassent, non mutari pro/  
fecto ad peiora potuissent: si uero mutati sunt, non emanarunt cer/  
te ab impassibili natura. Quod si neque a superiore natura defluxu  
quodam emanasse ipsos ratione confiteri cogimur, nec a corporum  
materia productos, sequitur non genitos esse, & sic ad corporum na/  
turam non genitam, tertiam quandam naturam absq; ortu cum deo  
uniuersi collocare uidetur, ita non erit sibi deus creator ac pater o/  
mnium. Sed de his satis dictum est.

Quod non recte in omnibus Plato sensit.

CAPVT. X.

**N**unc de anima quid sentiat uideamus, iam igitur cum im/  
mortalem Hebreis similiter scripserit, ac ad dei similitudi/  
nem formatam putauerit, substantiam eius tamen ex in/  
diuisibili constare contendit. Dicit enim in Timao, gene/  
ratione atq; uirtute priorem corpore, quasi dominam animam esse  
productam hoc modo. Ex indiuisibili substantia inquit, quæ sem/  
per eodem modo se habet & diuisibili, tertiam quandam substantiam  
inter hæc extrema constituit, & quod multo peius est, diuinam illam  
incorpoream rationalem deoq; similem animam ad asinos, lupos, for/  
micas, apes, cæterasque bestias descendere afferit, & huic opinioni  
absq; demonstratione aliqua cæteros adhærere hortat. Vsq; adeo  
inquit in libro de anima errant, quo usq; cupiditate corporis rursus  
corpori copulent, talibus autem copulant, quales mores prius in hac  
uita comprobarunt. Nam q uentri atq; turpitudini deditæ fuerant,  
asinorum & similium bestiarum corpora ingrediuntur, quæ rapa/

Hij ces

